

行行下街，突然撞返前度

作者: 如影隨風

Powered by [紙言](#)

章節一

有一日，當我係條街到漫遊之際，見到一個熟悉嘅身影係不遠處。

我嘅身體下意識轉身就走，不過我行咗幾步之後就俾人從後拉住...

「阿恆，咁耐冇見，做咩一見到我就走呀？」一把既熟悉又陌生嘅聲音再次出現係我腦海當中.....

「咦！阿靜？我冇為意你係邊呀，咁啱醒起公司有啲嘢做，咪諗住返去做埋佢先囉。」

「咁耐冇見，不如食餐飯丫，去返以前我哋成日去個間粥鋪丫。」佢一邊講一邊扯住我衫袖。

記得當年同阿靜分手嘅時候，我每日都傷心欲絕，以淚洗面。五年後嘅今日再遇返佢，佢依然係當日咁靚，我個心依然對佢存有一份愛.....

「um...好丫。」

「哦，頭先又話有嘢做，你呃我！」佢一邊講一邊嘟起個咀，旁人睇落可能會覺得好幼稚，不過係我眼中，真係好可愛。

「丫，你丫！」

「嘻！」佢嘅笑容依然咁天真...

五年後，同一地點，當年我哋並肩而坐，今日我哋嘅距離已經被張枱隔開。難得嘅係，一間小小嘅鋪頭係呢個租金好似坐火箭咁上升嘅香港仍然可以生存落嚟，令我同阿靜仲可以搵返我哋嘅回憶。

「係呢，你呢排點呀？」阿靜首先打破冷場。

「都係普普通通咁啦，同普遍嘅打工仔冇乜分別，返工等放工，放工等放假，夜晚唔願瞓覺，日頭唔願起身咁啦。」

「咁，你而家有冇拍拖呀？」估唔到阿靜咁快問呢啲咁敏感嘅問題.....

「丫，粥嚟啦，食咗嘢先啦。」

「你記唔記得呀，以前你食完啲腸粉都會將啲混醬撈埋落啲粥到，乜真係咁好食咩？」

「你試下咪知囉。」我作狀將啲醬倒落阿靜碗粥到。兩個你推我擋咁擾攘咗一陣...

「唔玩啦，食嘢先啦！」之後大家繼續各自一邊食嘢，一邊玩手機。

係呢個年代，食飯玩手機就好似變咗大多數人嘅通病，明明大家約出嚟食飯，偏偏各自修行。唔通平時獨處嘅時候仲玩唔夠，連朋友間嘅小聚都唔可以一心一意咁進行？

我望住阿靜，感覺我哋嘅距離彷彿唔止隔咗一張枱。空氣再一次靜止咗係我哋之間.....

由於見到外面好多人排隊，我同阿靜都係快手食完之後就賣單走人。

出到去之後，本來我打算返屋企，不過阿靜話：

「食完嘢不如行陣散下步啦，我想去返以前成日去個個海邊。」

五年前，我哋有個習慣，每次食完嘢都會不知不覺咁行去海邊，雖然行成個鐘先到，但因為有對方係身邊，再遠都願意行落去。

沿途我哋都係講下身邊嘅人同事，而且亦都係一啲冇自己所涉及在內嘅事。

不經不覺我哋行到嚟海邊，一個屬於我同佢嘅寧靜世界。係今日嘅香港，無論大街小巷你都會見到有強國人嘅蹤跡，就連尖沙咀海旁，荃灣碼頭之類嘅地方都會因為附近名店林立而令某幾個海邊成為強國人嘅休閒地。

幸運嘅係，呢個屬於我同阿靜嘅海邊，附近冇名店又冇美景，只有一望無際嘅大海同一艘艘嘅貨船。

章節二

「嘩，呢到完全唔同晒嘅，以前明明仲係個地盤嚟架？你記唔記得呀，個陣仲係地盤，走個陣又落雨，周圍幾恐怖呀！」

「小姐，以前都好似係五年前架啦喎。何況呢到都起好咗四年啦。」

「你...之後都有嚟過.....？」

「係呀，因為個陣...仲掛住你丫麻.....」

「咁而家呢？」

每當被阿靜問到呢啲問題，我都頓時語塞...

「咁不如我問返你丫，當年你有冇一刻愛過我？」

「有，一直以嚟都咁愛，到而家都係！」阿靜答得好爽快，一啲猶豫都冇，咁更加令我呢幾年嚟嘅問題一湧而出。

「咁點解當年會分手？點解當年你要咁決絕？點解.....」

太多嘅問題同時湧現係我腦海入面，令我一時之間都唔知應該點問起.....

「阿恆，當年嘅我一直都係真心愛你，只不過你個陣太幼稚，太多空想，我唔敢將自己嘅下半生交俾一個望唔透未來嘅人。當日嘅我過得絕對唔會比你好，我做到咁決絕都好辛苦。因為我知道阿恆你係一心一意咁愛我，而你亦都係第一個感動我嘅人，不過我知道如果俾你繼續活係幻想當中，你就冇辦法由絕望中企起身，發奮做人，所以我唯有同你分開，迫你成長，我咁做可能好自私，對唔住.....」

即使而家終於知道當日令我傷心欲絕嘅原因，我依然未能夠釋懷。無可否認嘅係，當日嘅我的確係好幼稚，終日沉溺係幻想嘅未來入面，從來冇用行動去將幻想變成現實。不過今日嘅我呢？即使未必可以同返阿靜一齊，但我又有冇資格去開展一段新嘅感情，冇資格令一個人嘅下半生交托俾我呢？

我走近鐵欄，一邊感受住海風嘅輕撫，一邊問阿靜：「如果當日你自私嘅決定，因為估計錯誤，我因為受唔住打擊而死咗呢？咁你希望見到嘅，成熟嘅阿恆就永遠都唔會出現架啦喎.....」

「我知道你唔會，我好清楚你為人，一個會以父母利益將來行先嘅你，唔會忍心留低你父母而走去死。而且今日你都好地地咁企係我面前，證明我當初嘅決定冇錯丫。」

我唔知我應唔應該興幸阿靜咁了解我，不過佢嘅一字一言都令我搵唔到反駁嘅餘地。

靜止嘅空氣再次將我倆包圍.....

「阿恆...對唔住...」

「我由始至終都冇嬲過你，我只係嬲自己點解冇辦法令你留係我身邊...」

講完之後，我感到有對手從後攬住我，唔洗問都知係阿靜。呢個久違嘅擁抱感覺好奇妙，由當日分手之後我一路懷念，一路祈求可以再一次返嚟我身邊嘅感覺，直到而家幾經辛苦終於可以開始淡忘回憶，一瞬間返返嚟我嘅腦海入面。

「阿恆，不如我哋一齊返丫...」

我搖一搖頭，慢慢咁將阿靜雙手鬆開。

「點解呀？你有女朋友啦？」

「自從同你分手之後，我都冇再拍過拖啦。」

「咁啱係你唔再愛我啦...？」

我轉身面向阿靜，用好堅定嘅眼神對住佢講：「當年嘅我真係好愛當年嘅你，不過五年後嘅今日，我哋已經唔再係當年嘅我哋，我真係唔敢再拍拖，就算愛都冇可能再走返埋一齊。阿靜，如果可以，我都好希望我哋可以拖住手走落去，因為我真係好愛你，但係我相信而家嘅你，絕對可以搵到一個比我更加好嘅男人，就由佢代我永遠照顧你啦。」

章節三

係我講到一半嘅時候，阿靜已經淚流滿面，不過我又何嘗唔係眼淚在心裡流呢。自從同阿靜分手之後，我用咗整整兩年時間先企得返起身，不過對於愛情，甚至女性都失去信心，遑論再開展一段新戀情.....

即使五年嚟嘅心結今日終於打開咗，而我亦都好想同返阿靜一齊，不過內心對愛情嘅恐懼比起對阿靜嘅愛意來得更強烈，最後只可以講出一番違背良心嘅說話.....

「咁你做我一日男朋友㗎。」

「阿靜.....」

對於阿靜提出嘅要求，我除咗驚訝，其實仲有啲喜出望外。畢竟呢幾年嚟，我都曾經期待過可以有機會同返佢一齊。

「冇得say no，今日去返晒有我哋回憶嘅地方。」

「點去得晒呀.....」

「點唔得啫，喺而家先去海港城，再去荃灣，到你屋企。」

「喂喂，我屋企都係?!」

「唔係咩，個陣一放假就一齊係你屋企睇電視，瞓覺，其實你屋企先係最多回憶嘅地方。」

「問題係邊夠時間呀.....」

「再講就唔夠時間架啦！」

係海港城嘅玩具反斗城內，有兩個大細路係到玩「僕哩哩」。

「喂呀，點解你次次都咁快搵到架！」阿靜洩氣咁問。

「好簡單啫，因為我係千禧年代嘅福爾摩斯，哇哈哈！」

「到你啦，等我神探阿靜用最快嘅速度嚟搵你出嚟啦！」

一分鐘後.....

「㗎，佢係邊呢，都行晒成個場架啦，都唔見嘅.....」

阿靜拎起電話打俾阿恆，當打通嘅時候，鈴聲就係佢嘅背後響起。

「你哩係邊架，點解我搵唔到嘅？」

「乜神探都會有搵唔到嘅人架咩！」「我哩咗係你冇後眼所以睇唔到嘅地方囉！」

「咦·衰人！」

阿靜一邊講一邊追打我·就係呢個小朋友視之為天堂嘅地方·我同阿靜兩個成人係到追逐打罵·好似回歸到當年一樣。講起·都唔知幾耐冇人會用衰人嚟稱呼我·原來最純真嘅愛情入面·連俾人叫衰人·聽落都甜在心頭。我好想.....阿靜可以一世都係我身邊·將衰人一詞變成佢對我嘅專屬稱呼。

離開尖沙咀去荃灣嘅時間係旁晚六點。

章節四

「去荃灣廣場個天台公園先啦！你帶路。」阿靜基本上好似plan過晒啲行程咁，而我只係負責帶路。

五年後，同樣嘅人，同樣嘅路，唔同嘅感覺。當年初戀，兩小無猜嘅純真感覺，為咗小小事已經可以樂透半天嘅心情，已經不再復還。

我哋坐咗係天台公園啲長櫈到，望住小朋友係到盪鞦韆，佢哋天真嘅臉真係叫人羨慕又妒忌。

「做咩想嚟呢到嘅？」我問阿靜。

「咁呢到充滿住你嘅過去嘅回憶架嘛，況且以前我哋都嚟過，都算係我同你嘅回憶丫。」

當年同阿靜講過，由小學到中學，每次聚會都會嚟呢到。諗返起，原來都唔知幾耐冇嚟過，但估唔到阿靜咁多年都仲記得，對於佢咁記得我所講嘅嘢，我真係有種想喊嘅衝動。

坐咗陣，我哋又轉移陣地，今次係荃灣碼頭。當年嘅我哋都係個學生，冇收入，所以好少行商場，最常去嘅地方就係海邊，青衣海濱長廊、荃灣碼頭、尖沙咀碼頭等。身邊嘅朋友都話：「你拍拖拍到咁悶都有人肯陪你癲，你執到啦！」當時我的確覺得我真係好幸福，但亦都係阿靜親手將我嘅幸福毀滅，呢個傷口到今日始終冇辦法釋懷.....

我同阿靜就好似以前咁，由西鐵站行到去盡頭，因為太遠加上夜晚嘅關係，個到除咗少量跑步嘅人經過之外就只係得我同阿靜。我哋又係搵張櫈坐咗係到，望住海邊，四圍都好寧靜，我好想好想，永遠都停留係呢一刻。

坐咗陣，我開始覺得肚餓（鬼咩，3點幾食完個碗稀到水咁嘅粥之後再有食過嘢），之後就同阿靜行返去食飯，時間係8點半。我邊行邊諗，而家去食飯，快極都半個鐘，啫係返得我屋企嚟起碼都10點，應該唔會再嚟我屋企啦掛？

點解我咁唔想佢嚟我屋企？我幾經辛苦先將以前同佢係屋企發生嘅事淡忘，真係好怕佢上完嚟，令我要再一次學習點樣忘記.....

由於佢依然好想去我屋企，所以揀咗間出餐快過你等杯麵嘅老麥，我唔知佢係受「捱麥記潮文」影響，想我覺得佢娶得過，定係真係貪快。之不過，挑，快餐咋嘛，咁易難到我咩，於是我用食法國餐嘅速度去食一個原本10分鐘乜都ko得晒嘅魚柳bellchan，今次我仲唔完勝。

食完10點都嚟緊，邊到都唔洗去啦掛。

「食咁耐架你，你睇下，10都嚟緊啦！」

「哦，呢排我腸胃唔好，係要食慢啲俾佢消化下架啦。」都唔知要幾多個好假的肥仔上身先講得出呢番說話。

「返屋企啦。」

我終於等到佢呢句啦！

「我送你丫。」

「咩呀？返你屋企啲。」

我太睇少佢.....

章節五

「但係.....都咁夜啦，下次先啦。」

「咪啱囉，返你屋企喇嘛。」

「吓！」呢下嘅驚叫，吸引住街上所有人嘅注意。如果平時存在感低嘅人大可一試，但請先有被拉入青山嘅準備。

「但.....之前一齊個陣，你明明唔可以唔返屋企架.....」

「個陣幾歲，而家幾歲呀先生。」

「吓.....我.....嗯.....不如下次先啦。」

「唔得呀，而家行啦！」

就係咁，我俾阿靜拖住（捉住）返我屋企。

係地鐵上面，我試圖勸服阿靜打消嚟我屋企嘅念頭，但佢完全將我嘅說話無視咗，仲話去到第一時間要探下佢最愛嘅公仔.....

阿靜啊，到底你想點呀.....

返到屋企，當我爸見到阿靜嘅時候，先係露出一個好驚訝嘅表情，但好快就將視線轉返去電視到。頂，而家你個仔我帶女仔返屋企，你咁冷靜嘅。

之後阿靜自己走入我間房，仲由房叫出廳問：「喂呀，隻公仔呢？」

「得，你冷靜啲先，我拎俾你。」我真係好怕我再唔拎出嚟，佢會將我間房反轉。

阿靜嘟起個嘴錫隻公仔，仲係咁問隻公仔我有冇蝦佢.....嗚呀，我而家想做隻公仔呀。

「邊敢蝦你隻嘢啫，個主人咁惡！」

阿靜聽到之後，裝作好嬲咁谷起臉頰，仲即刻拎隻公仔打我，一邊打一邊話：「你講多次！邊個惡話！」

「冷靜啲先，邊個話要好好對個隻嘢架？而家仲拎佢嚟打人？冇天理呀！」下一秒，空氣中要響起我嘅哀嚎，阿靜捉住我隻手，之後咬落嚟。嗚呀~~~好痛呀.....點解個個女仔都鍾意咬自己男友隻手。

男友？啊，係啲，我今日係阿靜男友.....

我一手將阿靜抱入懷中，深情對望咗幾秒後，我哋嘅嘴唇不知不覺咁貼上。經歷咗10幾分鐘嘅熱吻之後，阿靜話想沖涼，但我怕屋企人亂諗，就話等佢哋喇晒先沖。

但係呢個時候，我爸叫咗我出去。

爸：「噏，袋住佢啦，小心啲呀。」

我一望，屌，condom？你而家當我係咩人呀？我係你個仔嚟架呀爸！！！！

我：「吓，唔洗啦，唔會用架。」

爸：「袋住冇死嘅，拎住啦，我瞓啦，你同阿靜都唔好咁夜瞓啦。」講完仲要奸笑咗下，頂，真係好邪惡呀！！

我：「你仲記得阿靜.....？」

爸：「你咁大個仔，第一次帶女仔返嚟就係阿靜啦，都幾年冇見啦嗰，佢都冇乜點變呀。噏，唔好玩咁夜啦，嘈住我同你呀媽瞓呀！」

我：「嗯.....」

頂，阿爸呢刻真係好比一隻魔鬼，不停咁去引誘我同阿靜.....

章節六

係佢哋馴咗之後，阿靜去咗沖涼，而我，梗係乖乖咁係到打機啦，雖然真係好想同佢一齊回味下當年嘅情境，不過始終今非昔比.....

過咗陣，阿靜沖完涼，出到嚟嘅時候真係嚇咗我一跳，佢只係用條毛巾包住個身。嗚呀~魔鬼唔好再引誘我啦，見到個陣我真係有一絲衝動想將佢就地正法。

當然，我嘅理性蓋過咗我嘅獸性。之後阿靜徑自走入我間房，真係心諗，你想點呀.....

咪住，佢搵我條毛巾包住個身，咁我一間沖完涼點呀.....過咗陣，阿靜出到嚟，佢著咗件明顯係係我衣櫃搵出嚟嘅白襯衫，黑色嘅內衣若隱若現，簡直係挑戰人類視覺感觀嘅極限。呢刻嘅阿靜就好比魔鬼化身，而我就好似一隻餓狼面對自己同類嘅時候個種食與唔食之間嘅矛盾扎。

阿靜一步一步咁迫近，終於行到嚟我面前，將條毛巾俾返我之後話：「喲，去沖涼啦。」

我一入到浴室，彷彿充斥住阿靜嘅香氣，同一刻就好似返返去5年前嘅情境一樣。我不停咁用水令自己冷靜。可惜愈要自己冷靜，體內嘅魔鬼愈活躍。

當我沖完涼，入房拎被準備做廳長嘅時候阿靜突然話：「我怕凍啊，可唔可以陪我馴？」

我全身嘅氧氣同血液好似瞬間被抽乾咁，過咗幾秒先至反應到：「吓，唔好啦，一係開暖氣俾你啦。」

阿靜係咁撒嬌，又捉住我隻手話：「我今日係你女朋友，我要你陪我馴呀！仲有啊，今日，你想點就點啦。」窗外嘅月色照出阿靜講完呢句之後，紅都面晒嘅樣。

受唔住阿靜嘅嬌嗔，我最後都.....「係啦係啦，陪你馴啦。」

上到床，原本諗住背對背咁馴，點知阿靜要我同佢面對面咁馴，頂，咁點馴呀.....

其實頭先同阿靜熱吻之後，生理反應就一直冇停過.....媽呀.....我偷偷咁望住阿靜，不過乜都有做過，頂，我唔係真係要眼光光等天光呀.....

望咗陣，阿靜突然將個頭伸埋嚟我到，之後我哋雙唇再次合上，再由男左女右變成男上女下，大約5分鐘後，阿靜嘅呼吸聲開始急速，隻手都開始往我褲頭移動。係呢時候，我阻止咗阿靜.....

最終章

阿靜鄂然咁望住我，問：「做咩呀，今晚你想點就點啎，你唔想咩.....」

「想，但我更加想靜靜咁，攞住你腳。」

「過咗今晚就冇機會架啦啎！」阿靜繼續用啲好挑逗語氣去引誘我。

「總之今晚乖乖咁腳啦！」說擺阿靜就背向我，而我就從後攞住佢，慢慢入睡.....

呢一晚，乜都冇再發生，阿靜就係我嘅懷中，直到第二日.....

係濛濛間，被手機嘅wtapp聲嘈醒咗，我回一回神，望望四周圍，阿靜已經唔係我身邊.....

<http://www.youtube.com/watch?v=NYcgvzGuNOs>開住嚟睇好feel啲

我打開wtapp，係阿靜send嚟嘅信息：

阿恆，其實嘢日我真係冇諗過可以見返你，我只係好想去返以前同你去過嘅地方，回憶下當年嘅甜蜜時光，不過咁都可以撞得返你，我以為我哋真係咁有緣，可以有機會一齊返架，但係原來，當日嘅我傷得你咁深.....真係好對唔住。呢五年嚟，我一有時間就會去有我哋回憶嘅地方行下，嘢日，終於再一次有你陪我走過屬於我哋嘅地方，終於可以好似以前咁，無憂無慮咁玩咗一日我已經心滿意足。不過我知道，無論點，我哋都已經唔再係以前嘅我哋，如果可以返返去以前，我一定唔會離開你，因為阿恆，你真係一個好好，好好嘅好男仔。我知道我令你受咗好大嘅傷害，而我都再冇資格要你再同我一齊。嘢晚可以再次腳係你懷中，我真係覺得好冇安全感，不過嗰陣我已經決定咗，天一光就走，因為我怕再見多你一面，我會愈唔捨得你，如果我繼續糾纏對你對我都有好處，所以我哋就係最美好嘅時光分別啦。其實一諗到好快要離開你，我就腳唔著，甚至偷偷地喊咗出嚟.....嘢晚嘅事對我嚟講已經係一生中最幸運嘅事.....你唔好再搵我啦，希望終有一日，可以有一個人可以打開你嘅心結啦。

阿恆，多謝你曾經咁愛我，再見.....我愛你.....

當我想send返信息俾阿靜個陣，都只係顯示一個tick，我諗阿靜應該封咗我.....之後我都冇再見過阿靜.....